

畿輔通志

6  
CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

JUN 28 1932

ChL3128/82



畿輔通志卷之十五

形勝疆域

自古建都之地論者皆曰洛不如關關不如薊誠哉是言也蓋洛陽雖居士中道里均貢賦便而無形勢可憑關中地勢足以臨制山東而西北則無高山廣川以爲之限又漕更砥柱前世以爲難我朝光有天物定都於順天實古燕地而畿輔封域半跨晉疆旁延於齊衛東則永平南則河間天津北則宣化西則保定又西南則正定順德廣平大名其山鎮曰恒嶽而伊祁馬耳西屏封龍皆名山也





其澤藪曰昭餘祁而滹沱漳衛涑易皆名川也左  
俯滄海右倚大行紫荆居庸山海諸關聳峙環擁  
南嚮以臨天下臂指雍梁控抱豫青徐兗河濟交  
會江漢朝宗荆揚之漕按程而至五嶺之貢計曰  
無淹是謂天府之國

聖人首出統馭垓埏天作地成以為四方之極者歟

形勝

直隸布政使司

東北曰幽州其山鎮曰醫無閭其澤藪曰獫狁其  
川河涉其浸菑時河內曰冀州其山鎮曰霍山其

澤藪曰楊紆其川漳其浸汾潞正北曰并州其山  
鎮曰恒山其澤藪曰昭餘祁其川滹池嘔夷其浸

涑易

周禮

冀州三面距河兗河之西雍河之東豫河之北周

禮職方河內曰冀州是也

尚書禹貢  
蔡沈注

燕東有朝鮮遼東北有林胡樓煩西有雲中九原  
南有滹沱易水地方二千里帶甲數十萬南有碣

石雁門之饒北有棗栗之利此所謂天府也

戰國策

同上

西有常山南有河漳東有清河北有燕國

同上

南有鴻溝東有淮潁西有長城之界北有河外

形勝



邯鄲亦漳河之間一都會也北通燕涿南有鄭衛  
 燕亦勃碣之間一都會也南通齊趙上谷至遼東  
 地踔遠有魚鹽棗栗之饒北鄰烏桓夫餘東結穢  
 貉朝鮮真番之利史記貨殖列傳  
 趙地北有信都正定常山中山又得涿郡之高陽  
 鄭州鄉東有廣平鉅鹿清河河間又得勃海郡之  
 東平舒中邑文安束州成平章武河以北也邯鄲  
 北通燕涿南有鄭衛漳河之間一都會也燕地東  
 有魚陽右北平遼西遼東西有上谷代郡雁門南  
 得涿郡之易容城范陽北新城故安涿縣良鄉新

昌及勃海之安次皆燕分也樂浪元菟亦宜屬焉

薊南通齊趙勃碣之間一都會也漢書地理志

燕之涿薊富魁海內為天下名都鹽鐵論

燕卻背沙漠進臨易水西至軍都東至於遼長蛇

帶塞險陸相乘也河圖括地象

東至於海南迫於河西距大行北通渝關薊門唐六

典

松亭關古北口居庸關為中原險要宋富弼上仁宗封事

冀都山脉從雲中發來前則黃河環繞泰山聳左

為龍華山聳右為虎嵩為前案淮南諸山為第二



重案江南五嶺諸山為第三重案故古今建都之地莫過於冀所謂無風以散之有水以界之也朱子語類

燕國有朝鮮遼東雲中九原樓煩易水以為之塞范陽有盧龍古北松亭狐門之要以為之守宋李清臣策

當天津析木之交實上谷廣陽之勝形勢有金湯之險膏腴號陸海之饒宋群臣賀表

南京築城後遠望數十里間宛然如帶回環繚繞形勢雄傑契丹志

箕星散為幽州分為燕國南通齊趙為一大都會

太平寰宇記

地博大以爽塏兮巨繩直而砥平宋范鎮幽都賦

燕都地處雄要北倚山險南壓區夏若坐堂隍俯

視庭宇金史梁襄傳

居庸古北松亭榆林等關東西千里山峻相連近在都畿易於據守同上

尾箕之墟幽冀之區鬱鬱葱葱屹乎皇都峙以西

山居庸繚以涿易潞沽山川相繆古今不殊吳禮部集

幽燕之地龍盤虎踞形勢雄偉南控江淮北連朔



漠駐蹕之地非此不可元史本  
萃黎傳

右擁太行左注滄海撫中原正南面枕居庸奠朔

方峙萬歲山浚太液池派玉泉通金水縈畿帶甸

負山引河壯哉帝居此天府  
輟咩  
錄

地勢寬厚關塞險固總據中原之夷曠者莫過燕

薊雖云長安有崤函之固洛邑為天地之中要之

帝王都會億萬年太平悠久之基莫燕薊若也楊  
文

敏  
集

是邦之地左環滄海右擁太行北枕居庸南襟河

濟形勝甲於天下誠天府之國也博物  
策會

京師形勝甲天下展山帶海有金湯之固輿地指  
掌圖

京師負重山面平陸地饒魚鹽穀馬果蓏之利又

轉東南之粟財貨駢集天險地利足制諸邊汴洛

關中江左皆不及也吾學  
編

京東負山控海負山則泉深而土澤控海則潮淤

而壤沃諸州邑泉從地湧一決而通水與田平一

引而至潞水  
客譚

居庸障其背河濟襟其前山海扼其左紫荆控其

右碓山高峙流河如帶五雜  
俎

自燕而南直抵徐淮沃野千里齊晉為肩吳楚為



腹閩廣爲足浙海東環滇蜀西抱氣勢雄大規模  
弘遠 同上

大地之脈咸祖崑崙而南北二絡最大北絡極於  
幽燕大河至此入海與鴨綠江會東有下沙此山  
水一大交會也其北崇岡千疊其前坦平千有餘  
里泰山聳於南誠國家萬年之基也 莊渠遺書

太行自西來演迤而北綿亘魏晉燕趙之境東極  
於醫無閭重岡疊阜擁護而圍繞之不知其幾千  
里也其東則汪洋大海稍北乃古碣石稍南則九  
河故道浴日月而浸乾坤所以界之者又如此其

直截而廣大也况居直北之地上應天垣之紫微  
其對面之案以地勢度之則秦岱萬山之宗正當  
其前居乎艮位成始成終之地介乎震坎之間出  
乎震而勞乎坎以受萬物之所歸體乎北極之尊  
嚮乎離明之光使萬物之廣億兆之多莫不面焉  
以相見則凡舟車所至人力所通者莫不在於照  
臨之下自古建都之地上天時下得地勢中得  
人心未有過此者也 大學衍義補

幽州之地誠天府之國而太行之山自平陽之絳  
西來北爲居庸東入於海龍飛鳳舞綿亘千里重



關峻口一可當萬獨開南面以朝萬國非天造此形勝也哉

讀書一得

山川峙濯險甲寰區而紫荆扼蜚狐之口居庸拊上谷之背山海掣元菟之肘其因地利而盡人謀

可謂千古石畫

長安客話

漢唐都關中去邊幾千里餘今京師北抵居庸東北抵古北口西南抵紫荆關近者百里遠不過三

百里爾

同上

京師辰山帶海有金湯之固正定以北至於永平關口不下百十而紫荆居庸山海喜峰口古北口

黃花鎮險阨尤著

職方圖考

周禮幽州藪曰豨養其川河涉其浸菑時冀州藪曰楊紆其川漳其浸汾潞蓋水澤至渥也國家定鼎於燕用幽冀為畿輔負重山面平陸奧衍之利甲於東南若疏其上源自涓滴傳而致之何田不

充何漕不裕

明給事中魏呈潤疏

宣府大同藩籬也居庸紫荆門戶也順天正定保定等府州縣堂室也藩籬密斯門戶固門戶固斯

堂室安

漁石集

右挾太行左據碣石背壘險兮重關面平原兮廣



澤宗恒嶽其巍巍鎮醫閭而奕奕冠九州之形勝

負為天府之國

李時勉北京賦

沃壤千里水有九河滄溟之雄山有太行居庸之

固玉泉之流經緯乎禁籞之中碣石之壯盤踞乎

畿甸之內故其山川之壯觀風氣之清淑誠有以

卓冠四方為萬國之都會帝王子孫萬萬世太平

悠久之基

金幼孜皇都大一統賦

天造地設靈鍾秀毓總交會於陰陽盡灌輸於海

陸南臨鉅野東瞰滄溟西有太行之巖嶽北有居

庸之崢嶸瀉玉泉之逶迤貫金河而迴縈瓊島上

聳以盤礴太液下澈而澄泓

同上

西接太行東臨碣石鉅野亘其南居庸控其北勢

拔地以崢嶸氣摩空而崩劣復有玉泉漫流宛若

垂虹金河澄波雪練含空貫天河而為一與瀛海

其相通

楊榮皇都大一統賦

伊洛距其前恒嶽倚其陬環西山而作城界東海

以為溝導江淮以共注引河濟而北流

胡啓先皇都大一統

賦

壘以太行五華之障函以軍都湯峪之屏表以岱

嶧之朶之鎮箭以盤龍密雲之嶒帶以白露渾源



之川輦以漳衛直沽之津扼居庸以制勝若乘高而建瓴擁燕雲以馭夏若坐堂而俯庭狹關中於西阻陋中原於四馳卑齊魯之東藩迸吳越於南

陲余光北

京賦

總環瀛之要害抗萬垤而建瓴

盛時秦

北京賦

粲星分於箕宿映黃道之開張壯天險於居庸巨重關於太行會百川於遠海環河嶽於封疆拱北辰兮帝居陋鞏固於金湯均萬國兮會同而適居天下之中央也

陳敬宗

北京賦

面運啓文明時雙關於中天高連營室

梁本之為

魯王賀建

北京

表

順天府

北京上應北辰以象天極南面而聽天下天險地

利甲於關中

治平

居庸曹王大安黍谷崆峒之山環抱如箕而燕城

峙其中其地如掌

雞肋

京師前挹九河後拱萬山正中表宅水隨龍下自

辛而庚環注皇城繞翼而出天造地設

湧幢

小品

北京青龍水為白河出密雲南流至通州城白虎



水為玉河出玉泉山經大內出都城注通惠河與  
 白河合朱雀水為蘆溝河出大同桑乾入宛平界  
 出蘆溝橋元武水為濕餘高粱黃花鎮川榆河俱  
 繞京師之北而東與白河合

蓬窻日錄

淮南子謂地有九藪燕之昭余祁居一焉藪者聚  
 也王者以聚民畜國

府舊志

甸服西北控御東南若建瓴然泰嶽峙其南華山  
 環其右前則三案重圍後則九河歸宿誠四塞之  
 國矣

同上

關塞諸山雄峙於西北渾河諸水環繞於東南

東枕遼海沃野數千里北則居庸聳峙為天下九  
 塞之一西山秀甲天下畿南皆平野沃壤百畝繁

殖

大典縣志

千山拱護萬國朝宗山奧而深土肥而衍

宛平縣志

北拱神京南控涿鹿東襟滹水西擁房山

良鄉縣志

孔道東偏神京南壁

固安縣志

水分桑乾之派渠成拒馬之名

永清縣志

設險則三關盤遶渙文則九河縈旋幽燕腹心之

地邊郵唇齒之邦

宋史

東瀕滄海南擁三關

遼史



北控燕雲南接雄霸

金史

地勢廣濶水陸要衝

元史

南控海口北接天城四無山阜平坦高曠之地

東安

縣志

負京師於北面沱港於南運河順左而行三關拱

右而立此畿輔襟喉之地燕趙唇齒之邑也

東安縣志

以上六條

俱東安縣

黃山北聳白水西來

香河縣志

上拱京闕下控天津潞渾二水夾會於東南幽燕

諸山雄峙於西北舟車輻輳冠蓋交馳實畿輔之

襟喉水陸之要會也

通州舊志

運河縈其前而萬艘經泊滹水環於後而三派分

流長堤如龍蜿蜒相接而會於城闔亦形勝之地

也

山維華維靈水曰洳曰洵

三河縣志

潞水流經其左渾河派衍於西

武清縣志

西拱京師東連大海南接天津北抵雲薊三山擁

峙四水縈迴

寶坻縣志

南接神京北通宣大往來孔道供億實繁

昌平州志

山似陣雲水如天塹

同上

形勝



呼奴萃律靈蹟龍從大峪汪洋高粱澎湃順義縣志

維山峒嶠維水潭紆俯臨北塞雄鎮東隅密雲縣志

山錦繡以圍天水珠璣而噴地懷柔縣志

八荒輻輳萬國喉咽涿州志

縣之西多山林川澤房山縣志

岡巒絡繹而入晉溪流滢滢以環燕同上

自陶河至泥沽口屈曲九百里天設險阻真地利

也宋知雄州何承矩上言

當三關之腹心居東南之左臂林樹葱鬱境土平

遙霸州舊志

東阻泥沽西連涿鹿南襟河濟北揖天山上當

門積石之委下環天津滄海之洋九河匯流三關

重地同上以上三條俱霸州

境有河渠地稱澤國文安縣志

沿河環其東南白溝繞其西北四顧平坦地勢廣

漠大城縣志

金沙映於西南玉帶繞於東北保定縣志

東連石門西接洵水沽河環遶於南邊城橫峙於

北薊州志

東橫大嶺西峙兔山北倚瑞屏南瀕洵水平谷縣志



北枕長城南襟黎水東鎮鹿嶺西啓石門州志

山鳳翥而龍蟠川星翻而斗滾紛紛郁郁獻五色

之卿雲鬱鬱葱葱萃千年之王氣風水悠聚形勝

獨隆同上

永平府

連接邊郡隋書地理志

負山帶河為形勝之地遼史地理志

地連青幽元志

肥水之西洞山之北赤山之東方山之南四塞險

固實東北之雄邦地志集略

碣石之依長城之枕護燕薊為京師屏翰擁雄關

為遼左咽喉畿輔舊志

後背群山前阻大海可謂冀北之神臯燕東之天

府府志

平州有盧龍鎮山如龍形元和郡縣志

負關阻塞襟漆帶灤陽山首昂於東南桃燕尾蟠

於西北盧龍縣志以上二條俱盧龍縣

左環分水右據尖山灤水經其南塞垣倚其北遷安

縣志

橫山龍抱於東兔峰虎踞於西陽河天塹於南界



嶺雲連於北

撫寧縣志

南臨渤海北負仙臺東控渝關西挹灤水

昌黎縣志

灤水龍翔巖山虎踞

灤州志

負山對海夾以兩河

樂亭縣志

辰象臨乎析木海勢倒乎扶桑分襟帶於燕山東

咽喉於渝塞

玉田縣志

群山聳於北大海潤其南

豐潤縣志

保定府

燕南陲趙北際

九州志

臨城四野地坦平

圖經

二川交流夾繞州治

元志

北控三關南通九省

元劉因賦

地連四部雄冠中州控雁門之紫塞引雞距之清

流倚太行之巖觀接易水之長洲

同上

前有瀾瀦大陸之利北有重關天險之固

廣志

群山西峙衆水東滌

府舊志

雞水滌洄其左狼峰峭崿於右

同上

唐塞周關東西雄要

同上

四達之衢人民湊集

地理志

燕趙界區神京要地

清苑縣志以上二條俱清苑縣



東湧雞距泉西峙抱陽山南連方順河北擁玉峰

嶺滿城縣舊志

龍山突兀溫水漣漪安肅縣志

督亢之原廡廡河陽之樹森森定興縣志

紫水滌洄白溝浩淼新城縣志

大茂尊而眾岫堆螺唐河濶而諸津遶帶唐縣志

龍岡虬折蟾水珠浮博野縣志

邑據要衝桑麻萬井宋劉乳五嶽廟碑記

京省扼地慶都縣舊志

千尋翠壁欲參天以起萬斛珠泉不擇地而生同上

以上三條俱慶都縣

東控瓦橋西連武遂南通渥水北倚范陽容城縣志

河十八折故云曲逆縣三千年猶名壯哉完縣志

東枕瀛州古號燕齊之界南襟滹水今當晉魏之

衝蠡縣志

山川秀拔雄鎮千里地理志

角峙雙雄帶環諸水雄縣志以上二條俱雄縣

三河環境比洋洋大國之風雨阜臨關有屹屹名

城之勢祁州志

東觀瀛郡坐鹿巖而指廣川如鄰座下西睇恒州



溯滹澤以達肥子儼在舟中

東鹿縣志

一河遶西北九水滙東南板橋之戍壘猶存土尾

之危堤可恃

安州志

界分瀛易雄關未改乎高河境接蠡濡龍脉直趨

於龐口

高陽縣志

渥水廣百餘里孤城屹屹宛在中央

新安縣志

東西孔道三面水環

新安縣志

河間府

燕狗樂壽邢振臨城清河絕其南弓高斷其北

唐吳

武陵遺吳元濟書

渤海一名北海水盤洄曰渤

河間府志

渤海之東有大壑中有五山根無所連著常隨潮

波上下

同上

東有大壑實為無底之谷

同上

河經武垣之北

太平寰宇記

九河之會五壘之居

同上

南濱大河北際幽朔東瀕海岱西壓上黨

宋河北路志

東濱滄海西麓太行

古碑記

南枕滹沱北背高河

元獻州志

地勢廣潤

元莫州圖經



燕齊之交

元清周高氏碑記

河間古鎮聯城數十總制千里

元張英撰肅寧縣李公德政碑記

東連博陸西叩金堤膏腴控其前平林亘其後

任邱

周司法田敏墓誌

河間當水陸要衝四方供億皆取給焉

元史

北據三關南面九河

河間府志

滹沱繞其前高潞淮其左南為八省之咽喉北為

神京之屏翰

獻縣舊志

北沂劉麟南臨鳴犢

阜城縣志

控四河於上流引二淀於中堡

肅寧縣志

地靈川秀景物天成

任邱縣志

衛水東環滹沱西遶北負瀛海南抱廣川地勢平

衍水陸之衝

交河縣志

上連滄瀛下控齊魯

寧津縣志

六水騰傾五窪澹汙

景州志

鏡懸千頃虹駕雙河

吳橋縣志

據渤海上游為吳阜之唇齒交南之襟喉連鎮控

其南夏口扼其北中則洪河映帶左右平原沃衍

東光縣志

前武城後廣川齊魯交於左燕趙鄰於右

故城縣志



天津府

枕漳衛之長流倚盧白之重阻北瞻京邑居然屏

翰南俯登萊似列几筵天津廳壁記

地當九河津要路通七省舟車天津衛學記

千淀歸墟百川赴壑輸將要地商賈通津舊天津衛志

中山傑豎衛水潑洞青縣志

密邇三津作海防之門戶往來萬軸縮漕運之咽

喉靜海縣志

當水陸之要衝為勃碣之都會滄州志

擅五壘之雄攬九河之勝南皮縣志

篋山奔峭以連城渤海翻瀾而近郭鹽山縣志

壤分紫甸境接青齊慶雲縣志

正定府

河朔天下根本而正定又河朔之根本其地河漕

易通商賈四集常倚為北面之重唐書

壯哉一都會正定壁記

面臨滹水背倚恒山左接瀛海右抵太行圖經

正定表山帶河連屬三十餘城元史天倪傳

山水秀麗邦鄙平夷元志

北枕三關右附太行接秦隴左掖遼海聯齊魯南



躡天雄通荆豫徐揚百粵之孔道

明周應中正定題名記

正定為京師輔郡南北襟喉之衝

明石瑤陽和樓記

當燕趙之郊雄於河朔

明朱中敏重修府署記

滹沱經其南恒山峙其北東臨瀛海西擁太行控

扼三關咽喉九省

郡志

枕中山而挹秀跨冀野以鍾靈

府志

襟帶二水枕倚雙關

井陘縣志

封龍綿亘於南太行環抱其北

獲鹿縣志

跨無極以面神岩腋太行而背沙水縣遷槐陽地

連朔野吞高岡而壓大陸控馬嶺以披雕邱

後周董樞

元氏縣署記

萬峯峭拔五水紆洄

靈壽縣志

洩水潑洄於西北龍岡迤邐於東南

欒城縣志

北嶽控其東太行揖其西背倚林峯面對光祿右

襟冶水左帶滹沱

平山縣志

鹿馱虎踞於東臙脂帶遶於西

阜平縣志

西接太行北有龍泉諸隘口派水界其東郃河遶

其西又有滋水南環如帶古中山險要地也

行唐縣志

泚水湍飛壇山雄峙左環五馬之異右擁丈石之

奇

贊皇縣志



晉古鼓子國城南卽襟帶滹沱河

明苑宗吳滹沱河神廟記

城小而民和儼然有保障之固

紀澧重建晉州東城樓記

鼓山西峙滹沱南繞瀛海環其東門太行擁其右

臂

正定府志

星分昴畢躔二十八宿大梁之次地界燕趙踞三

十一城道里之中

晉州志

帶濱水背恒山襟滹沱拱神京山河形勝相錯如

繡

明張書重修無極縣城記

滹沱恒嶽環抱後先瀛海滋河襟帶左右

明朱履儀創建

無極尊經閣記

黃岡蟠後滋水環前

無極縣志

衆水環流平疇繡錯

藁城縣志

沙阜發童山之脈水朝瀛海之宗

新樂縣志

順德府

依山憑險形勝之國

晉書石勒載記

鉅鹿當四方之衝

宋沈括堯山縣廳壁記

披山帶河爲古用武之國

宋子真改邢州爲順德府記

太行蜿蜒適居斷麓可據可守

明王祖源修城記

太行雄鎮於西北漳水滌流於東南

郡舊志

南通九省北拱神京右枕太行左臨漳滏

府志



襟帶常山之麓肘腋大河之津同上

邢臺畿內名邑路當南北之衝要太行漳水形勝

環繞明王雲鳳邢臺縣譙樓記

西倚太行東跨漳水洛河經其南層岡鎮於北邢臺

縣志

鳳山雄峙於北狼溝環繞於東沙河縣志

東連鉅鹿西枕龍岡南和縣志

落莫流歸於陸澤濁漳源本乎鳩山平鄉縣志

廣阿紀神禹之功棘園留項王之蹟鉅鹿縣志

北連鉅鹿南接曲安沙邱峙其左漳水遶其右岡

阜相屬林木鬱然廣平縣志

北擁堯山南襟泚水東臨漳滏西阻太行唐山縣志

通齊晉之捷徑當正廣之衝途同上

鵲首高而諸峯羅列龍騰濶而九水合流內邱縣志

南枕龍岡北縈聖水西則太行聳翠東則陸澤瀦

靈任邱縣志

廣平府

邯鄲亦漳河之間史記都會也

豁開廣平千里如砥唐盧頂聰山記

肘腋太行背沃洛水元善政樓記



萬山盤礴泉流環滙

翰墨全書

四野平坦土地沃饒

郡志

壤聯八邑衢通五省

永年縣志

無山而聰婁翠映有水而漳滏清環

曲周縣志

北枕滏口南帶乾侯西望邯山東接鷺浦

肥鄉縣志

背燕面魏襟滏帶漳

雞澤縣志

漳衛帶其南恒山枕其北

廣平縣志

山川甲於一郡雄勝比乎三都

邯鄲縣志

東極艾東西抵夏陽北屆大姑南窮新寨

成安縣志

鯨隄北障運道東開

威縣志

虎岡蝘蜒龍潭滌泚

清河縣志

北接畿甸南通吳楚魏博當其左澤潞抱其右

磁州志

### 大名府

南有鴻溝東有淮潁西有長城北有河外

戰國策

守白馬之津以示諸侯効實形制之勢

史記

南濱大河北際幽朔東瀕海岱西壓上黨

宋史地理志

屹屹魏土山河之固

宋劉攽魏京詩

重郭言言淇河渾渾蠹如巨防扼為要津

宋江休復縣壁

記



九河綿絡之奧區

宋黃庭堅  
上梁文

地當兩河之驛路

澶淵地  
域志

南距衛北負漳為險

府舊  
志

近則背倚沙麓足踣博望左附洹洛右鄰冠氏遠

則東窺齊魯南阻大河西接太行北距恒嶽

大名  
縣舊

志

衛水包縈於郭外邱樊層障於垆表

大名  
縣志

環漳水而襟衛河面太行而抵沙麓

魏縣  
志

南控兩河北藩三輔

南樂  
縣志

衛水潑於西龍河遶其東南瀕澶水北倚銅臺固

畿內之名邑也

清豐  
縣志

長堤捍其洪流巨津升為沃壤居魯衛之域當南

北之中

東明  
縣志

川原縈帶河朔奧區疆場恢宏畿南重鎮

開州  
志

東連鄒魯西接朝歌澶淵距其北大河經其南

長垣

縣志

### 宣化府

勢連雲中雄據上谷為燕代巨鎮

元歐陽元鷄鳴  
山永寧寺記

前望京都後控沙漠左挹居庸之險右擁雲中之

固

明統  
志



蜚狐紫荆控其南長城獨石枕其北居庸屹險於左雲中結固於右羣山疊嶂盤踞峙列足以拱衛京師而彈壓邊徼舊鎮志

羣山環拱於東北洋河縈繞於西南居東西道里之中實一鎮要會之地也同上

宣府山川糾紛地險而狹以氣勢完固號稱易守明許論防守要害論

壤土沃衍四山明秀洋河經其南柳川出其北古今斯為巨鎮明羅亨信宣府鎮城記

宣鎮為北門鎖鑰地視諸邊尤重明褚寶行司題名記

東指元菟樂浪北俯陰山其西顧則平城馬邑

狐之口明葉盛賢字暖鋪記

北臨沙漠西抵雲中南至居庸周圍千有餘里為

衛所十有九為鋪六十有九明劉羽佐字暖鋪記

宣府古上谷地今為西北重鎮控制朔漠屏衛畿

甸明楊士奇彌陀寺記

五帝開天軒轅為盛稽自阪泉營於涿鹿勲德翔

浹萬國合符維茲上谷固神靈之奧宅而赤縣之

首區也明葉向高尊經閣記

重山突出俯垂北荒相傳以為地形類虎此為虎



首赤城縣舊上北路志

百里飛狐千年天險兩崖峭立一線通微內地之

重圍邊關之首鍵萬全縣舊西路志

獨石諸城外為邊境之藩籬內為京師之屏蔽明于

謙邊境疏

背負層巘坐擁邊城當西北兩路之衝為全鎮唇

齒之地舊下北路志以

重山列東北之險居庸壯表裏之威懷來縣舊東路志

萬山環拱北枕桑乾中帶壺流三關天險連上谷

而接雲中背腹手足之勢備焉蔚州志

北有崇山南有層嶂東來則有郡城之重鎮西望

則有雲中之屏障西寧縣志

北邊重鎮懷安縣志

輿當天末勢則建瓴延慶州記

地屬河東北控險阻唐新州記保安州

易州

東窮范陽之瀆漾西收紫塞之鬱葱州志

龍門白馬關塞稱雄竈洞紫梁山巒峙秀涑水縣志

一線中通兩山壁立逼近關門置郵孔道廣昌縣志

冀州



州據河北之中川原饒衍控帶燕齊稱為都會東  
近瀛海則資儲可克南臨河濟則折衝易達 州志

太行控其西惠通帶其東巨艦村集衡漳流前滹

沱繞後馬頰經左大陸翼右蓋四塞之區也 南宮縣志

揖拱太行襟帶衡滏 新河縣志

渤海東滌常山西路 棗強縣志

寶山東聳漳水西環 武邑縣志

漳水北環杜溝南注 衡水縣志

趙州

趙州畿輔要區雄於河朔其在幅幘所稱四通之

域也 明張居敬大石橋記

郡當燕趙之衝接軫秦晉錯疆齊魯地稱閼衍 魏裔

介孔公去思碑

九省往來為股肱上郡中原銷鑰 舊州志

大陸縈迴於左鐵山聳峙於右平棘洩水列其前

樂臺宋城屏於後 州志

南對堯峯鬱鬱而紫氣千秋北峙龍山隱隱而青

霞萬道 唐盧隱趙州玉臺寺記

槐水經其北午水緯其南土龍環抱堯山翔舞 鄉志

縣志



永堤長鎮新澧環流

隆平縣志

原隰鱗次溝澮淵澄

高邑縣志

堯峯峙左太行拱右泚水滌前董岡擁後

臨城縣志

枕倚晉趙川原曠衍滏陽中貫常山尾蟠

寧晉縣志

漳澧合流葫蘆總涯

同上

深州

廣袤爽塏周迴翕聚

明金幼孜深州八景記

介瀛冀鎮定間所謂四通五達之郊

正定府志

撫瀛州之眉黛遶畿輔之屏藩

武強縣志

南接滹水之濱北跨滋河之險

饒陽縣志

左接瀛海右望太行滹水南襟沙滋北會

安平縣志

定州

天下十八道惟河北最重河北三十六州軍就其

中又析為四路惟定州最要定為一路治所寔天

下要衝之最

宋富弼定州閱古堂序

定州西北近邊

宋韓琦治績碑記

中山控扼素號權重地形坦易無陂澤之阻

宋韓琦知

定州謝表

惟定武之要區據朔捶之重地

宋呂公著知定州謝表

近領博陵深控幽朔營屯蝟集亭鄣蟬聯

宋宋祁知定州



上兩府啟

河朔為諸路要衝而定武又為河北屏翰宋蘇軾知定州

議奏

定保之間山開川平無陂塘之險同上

中山古之雄藩河朔之巨鎮為南北之要衝元兀納罕

修中山府廟學記

西枕恒嶽北連滏水明肅彝定州儒學後堂記

東眺瀛海西擁太行滏水近滌平山內掖疆土寬

平風物完聚介燕趙以當衝輔京畿而倚重州志

危渡扼滹沱之口滋流逕博野之區深澤縣志

三關控扼於北眾水襟帶於西近衛中山遠屬畿

甸曲陽縣志

畿輔通志卷之十五

後補通志

卷之十五

形勝

天



畿輔通志卷之十六

疆域

直隸布政使司

東六百七十八里至盛京錦州府寧遠州界

西四百八十里至山西大同府廣靈縣界南一

千四百三十里至河南開封府蘭陽縣界北一

百九十八里至邊牆東南四百四十里至海岸

西南一千五百五十里至河南衛輝府治東北

八百一十里至盛京錦州府寧遠州治西北

五百六十里至山西大同府天鎮縣治東西廣



一千一百五十八里南北袤一千六百二十八里

順天府

東三百七十里至永平府灤州界西二百三十里至宣化府保安州界南三百一十三里至天津府青縣界北一百七十五里至邊牆東南三百八十里至渤海衛西南一百七十里至保定府新城縣界東北四百二十里至喜峰口界西北一百三十里至宣化府延慶州界東西廣六百里南北袤四百八十八里

大興縣

附郭府治東偏東二十一里至通州界西三里至宛平縣界南七十二里至東安縣界北三十五里至昌平州界東南四十五里至通州界西南一百一十里至固安縣界東北六十里至順義縣治西北六十里至宛平縣界東西廣二十四里南北袤一百七里

宛平縣

附郭府治西偏東二里至大興縣界西一百九十里至良鄉縣界南九十里至固安縣界北二十一里至昌平州界東南一百二十里至東安縣治西南七十里至良鄉縣治東北六



十里至順義縣治西北一百二十五里至房山縣治東西廣一百九十二里南北袤一百一十一里

良鄉縣 在府西南七十里東二十里至宛平縣界西十二里至房山縣界南四十五里至涿州界北十五里至房山縣界東南七十里至固安縣治西南七十里至涿州治東北七十里至宛平縣治西北二十里至房山縣界東西廣三十二里南北袤六十里

固安縣 在府西南一百二十里東二十五里至永清縣界西三十里至涿州界南九十二里至保定府雄縣界北十八里至宛平縣界東南五十五里至霸州界西南七十里至保定府新城縣界東北一百一十里至宛平縣治西北七十里至良鄉縣治東西廣五十五里南北袤一百一十里

永清縣 在府南一百四十里東三十里至東安縣界西二十里至固安縣界南三十里至霸州界北二十七里至東安縣界東南一百里至大城縣治西南五十里至霸州界東北四十里至



東安縣治西北一百一十里至良鄉縣治東西廣五十里南北袤二十七里

東安縣 在府東南一百四十里東八里至武清縣界西十二里至永清縣界南六十里至天津府靜海縣界北九十里至大興縣界東南一百一十里至小直沽海口西南一百里至霸州治東北一百里至通州治西北八十里至固安縣治東西廣二十里南北袤一百五十里

香河縣 在府東南一百二十里東三十里至寶坻縣界西十五里至通州界南二十五里至武

清縣界北三十里至三河縣界東南七十里至崔黃口營西南六十里至武清縣治東北九十里至薊州界西北七十里至通州治東西廣四十五里南北袤五十五里

通州 在府東四十里東二十五里至三河縣界西二十里至大興縣界南六十里至武清縣界北二十里至順義縣界東南五十里至香河縣界西南四十五里至永清縣界東北五十里至平谷縣界西北三十五里至昌平州界東西廣四十五里南北袤八十里



三河縣 在通州東七十里東二十里至薊州界  
西五十里至通州界南三十五里至香河縣界  
北五十五里至密雲縣界東南九十里至寶坻  
縣治西南七十里至通州界東北十五里至平  
谷縣界西北九十里至順義縣治東西廣七十  
里南北袤九十里

武清縣 在通州東南九十里東五十五里至寶  
坻縣界西二十五里至東安縣界南一百五十  
里至天津府靜海縣界北三十五里至通州界  
東南一百二十里至天津府治西南三十五里

至東安縣治東北六十里至香河縣治西北九  
十里至通州治東西廣八十里南北袤一百八  
十五里

寶坻縣 在通州東南一百四十里東五十里至  
永平府玉田縣界西三十里至香河縣界南一  
百六十里至天津府治北十五里至薊州界東  
南二百里至渤海西南三十五里至武清縣界  
東北九十里至永平府玉田縣治西北七十里  
至三河縣治東西廣八十里南北袤一百七十  
五里



寧河縣 在通州東南二百六十里東四十五里  
至永平府豐潤縣界西九十里至武清縣界南  
一百二十里至天津府滄州界北十二里至豐  
潤縣界東南五十里至豐潤縣界西南一百五  
十里至滄州界東北二十五里至豐潤縣界西  
北二十里至寶坻縣界東西廣一百三十五里  
南北袤一百三十二里

昌平州 在府北七十五里東五十里至順義縣  
界西一百里至鎮邊城南三十三里至宛平縣  
界北一百里至邊牆東南五十里至大興縣界

西南四十五里至宛平縣界東北一百里至密  
雲縣界西北四十里至宣化府延慶州界東西  
廣一百五十里南北袤一百三十三里

順義縣 在昌平州東少南八十里東四十里至  
三河縣界西四十里至昌平州界南二十五里  
至通州界北二十五里至懷柔縣界東南九十  
里至三河縣治西南六十里至大興縣界東北  
一百八十里至古北口西北一百二十里至居  
庸關東西廣八十里南北袤五十里

密雲縣 在昌平州東北一百一十里東九十里



至牆子嶺關西二十二里至懷柔縣界南三十  
 五里至三河縣界北一百里至白馬關東南九  
 十里至平谷縣治西南七十里至順義縣治東  
 北一百里至密雲後衛西北三十里至懷柔縣  
 界東西廣一百一十里南北袤一百三十五里  
 懷柔縣 在昌平州東北七十里東二十里至密  
 雲縣界西五里至昌平州界南十里至順義縣  
 界北二十八里至密雲縣界東南九十里至平  
 谷縣界西南五十里至昌平州界東北四十里  
 至密雲縣治西北三十里至昌平州界東西廣

二十五里南北袤三十八里

涿州 在府西南一百四十里東三十里至固安

縣界西三十五里至保定府涿水縣界南三十  
 里至保定府新城縣界北二十五里至良鄉縣  
 界東南一百一十里至霸州治西南七十里至  
 保定府定興縣治東北七十里至良鄉縣治西  
 北三十里至房山縣界東西廣六十五里南北  
 袤五十五里

房山縣 在涿州北少西五十里東十二里至良

鄉縣界西二百四十里至保定府涿水縣界南



三十二里至涿州界北五十里至宛平縣界東  
 南九十里至固安縣治西南一百里至保定府  
 涿水縣治東北九十里至宛平縣治西北二百  
 里至宣化府保安州治東西廣二百五十二里  
 南北袤八十二里

霸州 在府南一百八十里東一百里至天津府  
 靜海縣界西十八里至保定府新城縣界南十  
 五里至保定縣界北二十五里至固安縣界東  
 南六十里至文安縣治西南九十里至保定府  
 雄縣治東北五十里至永清縣治西北一百二

十里至涿州治東西廣一百一十八里南北袤  
 四十里

文安縣 在霸州南少東六十里東四十里至大  
 城縣界西十八里至保定縣界南三十里至河  
 間府任邱縣界北四十里至霸州界東南五十  
 里至大城縣治西南七十里至河間府任邱縣  
 治東北一百二十里至東安縣治西北四十里  
 至保定縣界東西廣五十八里南北袤七十里  
 大城縣 在霸州東南一百二十里東二十三里  
 至天津府青縣界西二十五里至河間府任邱



縣界南二十五里至河間府河間縣界北四十里至天津府靜海縣界東南二十里至天津府青縣治西南一百二十里至河間府河間縣治東北九十里至天津府靜海縣治西北五十里至文安縣治東西廣四十八里南北袤六十五里

保定縣 在霸州南少西二十里東二十二里至文安縣界西十一里至保定府雄縣界南二十三里至文安縣界北五里至霸州界東南四十二里至文安縣治西南九十里至河間府任邱縣

治東北七十里至永清縣界西北九十里至新城縣治東西廣三十三里南北袤二十八里

薊州 在府東一百八十里東六十里至遵化州

界西五十里至三河縣界南六十里至寶坻縣界北五十里至黃崖關東南八十里至永平府玉田縣治西南一百二十里至三河縣治東北一百二十里至遵化州治西北七十里至平谷縣治東西廣一百一十里南北袤一百一十里

平谷縣 在薊州西北七十里東三十里至薊州界西十五里至三河縣界南二十五里至三河



縣界北二十五里至密雲縣界東南六十里至  
 薊州界西南九十里至香河縣治東北四十里  
 至薊州界西北九十里至密雲縣治東西廣四  
 十五里南北袤五十里

遵化州 在府東三百里東五十里至永平府遷  
 安縣界西七十里至薊州界南五十里至永平  
 府豐潤縣界北十八里至羅文峪關東南九十  
 一里至永平府豐潤縣治西南九十里至永平  
 府玉田縣治東北二十里至喜峯口西北六十  
 里至馬蘭峪地東西廣百二十里南北袤六十

里

永平府

在

京師東五百五十里東一百八十里至

盛京錦州府寧遠州界西一百六十里至順天府遵  
 化州界南一百六十里至海岸北六十里至桃  
 林口邊界東南一百四十里至海西南三百五  
 十里至順天府寶坻縣治東北一百九十里至  
 邊界西北二百二十里至順天府遵化州邊界  
 東西廣三百四十里南北袤二百二十里



盧龍縣 附郭東三十五里至撫寧縣界西三十里至遷安縣界南三十里至昌黎縣界北五十里至遷安縣界東南二十里至昌黎縣界西南二十五里至灤州界東北五十里至撫寧縣界西北二十里至遷安縣界東西廣六十里南北表八十里

遷安縣 在府西北四十里東二十里至盧龍縣界西一百五十里至順天府遵化州界南三十里五里至灤州界北四十里至邊界東南二十里至盧龍縣界西南七十里至灤州界東北五十

里至盧龍縣界西北一百八十里至順天府遵化州界東西廣一百七十里南北袤七十五里撫寧縣 在府東少南七十五里東一百八里至

盛京錦州府寧遠州界西三十五里至盧龍縣界南二十五里至昌黎縣界北七十里至邊界東南四十里至海西南五十里至昌黎縣界東北一百一十五里至邊界西北五十里至盧龍縣界東西廣一百四十三里南北袤九十五里

昌黎縣 在府東南七十里東二十五里至撫寧縣界西七十里至灤州界南七十里至海北二



十里至撫寧縣界東南七十里至海西南六十里至樂亭縣界東北四十里至撫寧縣治西北五十里至盧龍縣界東西廣九十五里南北袤九十里

灤州 在府西南四十里東十里至昌黎縣界西一百一十里至豐潤縣界南一百三十里至海北十二里至盧龍縣界東南五十里至樂亭縣界西南一百五十里至海東北十里至盧龍縣界西北一百四十里至豐潤縣治東西廣一百二十里南北袤一百四十二里

樂亭縣 在灤州東南七十里東三十里至昌黎縣界西二十五里至灤州界南四十五里至海北三十里至昌黎縣界東南四十五里至海接昌黎縣界西南五十五里至海接灤州界東北十五里至昌黎縣界西北二十二里至灤州界東西廣五十五里南北袤七十五里

玉田縣 在府西二百六十里東四十里至豐潤縣界西四十里至順天府薊州界南三十七里至順天府寶坻縣界北三十里至順天府遵化州界東南一百二十里至開平城西南九十里



至順天府寶坻縣治東北六十里至順天府遵化州治西北八十里至遵化州界東西廣八十里南北袤六十七里

豐潤縣 在府西一百八十里東三十里至灤州界西五十里至玉田縣界南一百二十里至海北六十里至順天府遵化州界東南一百九十里至樂亭縣治西南一百六十里至順天府寶坻縣治東北一百三十里至遷安縣治西北一百六十里至順天府薊州治東西廣七十里南北袤一百八十里

保定府

在京師西南三百五十里東一百一十里至河間府任邱縣界西一百六十里至定州曲陽縣界南三百里至冀州新河縣界北一百九十里至順天府房山縣界東南三百四十里至冀州治西南二百二十五里至晉州治東北二百一十里至順天府霸州治西北四百里至宣化府蔚州治東西廣二百七十里南北袤四百九十里

清苑縣 附郭東四十七里至安州界西三十里



至滿城縣界南七十里至博野縣界北十里至  
安肅縣界東南三十五里至高陽縣界西南二  
十五里至滿城縣界東北三十里至安肅縣界  
西北三十里至滿城縣界東西廣六十里南北  
袤八十里

滿城縣 在府西少北四十里東三十里至安肅  
縣界西二十里至完縣界南六十里至慶都縣  
界北三十里至安肅縣界東南四十里至清苑  
縣治西南四十五里至完縣治東北六十里至  
安肅縣治西北一百二十里至易州紫荆關東

西廣五十里南北袤九十里

安肅縣 在府北少東五十里東二十里至容城  
縣界西三十五里至滿城縣界南四十里至清  
苑縣界北二十四里至定興縣界東南四十里  
至安州治西南六十里至滿城縣治東北九十  
里至滿城縣治西北九十里至易州治東西廣  
五十五里南北袤六十四里

定興縣 在府北少東一百二十里東二十里至  
新城縣界西二十五里至易州界南四十六里  
至安肅縣界北十二里至涑水縣界東南三十



五里至容城縣界西南五十里至安肅縣界東  
北十里至新城縣界西北三十里至涑水縣治  
東西廣四十五里南北袤五十八里

新城縣 在府東北一百五十里東八十里至順  
天府霸州界西十里至定興縣界南三十里至  
雄縣界北三十里至順天府涿州界東南九十  
里至順天府保定縣治西南三十里至容城縣  
界東北四十里至順天府固安縣界西北四十  
里至涑水縣界東西廣九十里南北袤六十里  
唐縣 在府西少南一百二十里東八里至慶都

縣界西五十里至定州曲陽縣界南三十五里  
至定州界北七十五里至完縣界東南三十里  
至定州界西南四十里至定州曲陽縣界東北  
十八里至完縣界西北一百八十里至山西大  
同府廣昌縣界東西廣五十八里南北袤一百  
一十里

博野縣 在府南九十里東六里至蠡縣界西三  
十五里至慶都縣界南三十里至祁州界北十  
三里至清苑縣界東南七十里至深州饒陽縣  
治西南三十里至祁州治東北八十里至高陽



縣治西北一百二十里至完縣治東西廣四十一里南北袤四十三里

慶都縣 在府西南九十里東五十五里至博野縣界西二十里至唐縣界南三十里至定州界北十五里至完縣界東南五十里至祁州界西南三十里至定州界東北十五里至滿城縣界西北二十里至唐縣界東西廣七十五里南北袤四十五里

容城縣 在府東北九十里東二十里至雄縣界西二十里至安肅縣界南十里至新安縣界北

十七里至定興縣界東南十里至新安縣界西南四十里至安州治東北五十里至新城縣治西北五十里至定興縣治東西廣四十里南北袤二十七里

完縣 在府西七十里東二十里至滿城縣界西十八里至唐縣界南十五里至慶都縣界北四十五里至易州界東南二十里至慶都縣界西南十五里至唐縣界東北二十五里至滿城縣界西北一百里至易州界東西廣三十八里南北袤六十里



蠡縣 在府南少東九十里東二十里至河間府  
肅寧縣界西十二里至博野縣界南十二里至  
深州安平縣界北二十里至清苑縣界東南七  
十里至深州饒陽縣治西南四十八里至祁州  
治東北六十里至高陽縣治西北九十里至慶  
都縣治東西廣三十二里南北袤三十二里  
雄縣 在府東北一百二十里東四十里至順天  
府保定縣界西二十五里至容城縣界南十二  
里至河間府任邱縣界北三十里至新城縣界  
東南八十里至順天府文安縣界西南四十里

至新安縣治東北九十里至順天府霸州治西  
北七十里至新城縣治東西廣六十五里南北  
袤四十二里

祁州 在府南少西一百二十里東十七里至博  
野縣界西三十里至定州界南七十里至東鹿  
縣界北四十里至青苑縣界東南六十里至深  
州安平縣治西南六十里至深澤縣治東北三  
十里至博野縣治西北九十里至慶都縣治東  
西廣四十七里南北袤一百一十里

東鹿縣 在祁州東南一百三十五里東八里至



深州界西五十里至晉州界南八十里至冀州  
 界北三十里至深州安平縣界東南四十五里  
 至冀州界西南三十里至趙州寧晉縣界東北  
 六十里至深州安平縣界西北七十里至深澤  
 縣界東西廣五十八里南北袤一百一十里  
 安州 在府東少北六十里東十二里至新安縣  
 界西十三里至青苑縣界南三十五里至高陽  
 縣界北二十五里至容城縣界東南三十里至  
 河間府任邱縣界西南五十里至蠡縣界東北  
 二十五里至新城縣界西北二十里至安肅縣

界東西廣二十五里南北袤六十里

高陽縣 在安州南四十里東五十里至河間府

任邱縣界西二十里至青苑縣界南五十里至

河間府肅寧縣界北五里至安州界東南六十

里至河間府肅寧縣治西南十五里至蠡縣界

東北六十里至新安縣治西北一百里至安肅

縣治東西廣七十里南北袤五十五里

新安縣 在安州東北二十二里東二十里至雄

縣界西十五里至安州界南十五里至河間府

任邱縣界北二十里至容城縣界東南二十里



至河間府任邱縣界西南六十里至高陽縣治  
東北五十里至雄縣治西北三十里至容城縣  
治東西廣三十五里南北袤三十五里

河間府

在京師南四百一十里東三百里至山東濟  
南府海豐縣界西六十里至保定府蠡縣界南  
二百二十五里至山東濟南府德州界北一百  
二十里至保定府雄縣界東南一百四十里至  
天津府南皮縣治西南二百三十里至冀州治  
東北一百五十里至天津府青縣治西北一百

四十里至保定府安州治東西廣二百六十里  
南北袤二百四十五里

河間縣

附郭東七十里至獻縣界西二十里至

肅寧縣界南二十五里至獻縣界北三十五里  
至任邱縣界東南二十五里至獻縣界西南十  
二里至肅寧縣界東北一百一十里至順天府  
大城縣界西北二十里至保定府高陽縣界東  
西廣九十里南北袤六十里

獻縣

在府南六十里東一百里至天津府青縣  
界西四十里至深州饒陽縣界南四十里至交



河縣界北三十五里至河間縣界東南五十里  
至交河縣治西南二十五里至深州武強縣界  
東北一百六十里至天津府青縣治西北八十  
里至肅寧縣治東西廣一百四十里南北袤七  
十五里

阜城縣 在府南一百四十里東三十里至東光  
縣界西六里至冀州武邑縣界南二十五里至  
景州界北八里至交河縣界東南三十里至景  
州界西南十五里至冀州武邑縣界東北三十  
五里至交河縣界西北六十里至深州武強縣

治東西廣三十六里南北袤三十三里

肅寧縣 在府西四十里東三十七里至河間縣  
界西二十里至保定府蠡縣界南二十里至深  
州饒陽縣界北二十里至保定府高陽縣界東  
南八十里至獻縣界西南九十里至深州安平  
縣治東北八十里至任邱縣治西北六十里至  
保定府高陽縣治東西廣五十七里南北袤四  
十里

任邱縣 在府西北七十里東七十里至順天府  
大城縣界西十五里至保定府高陽縣界南三



十五里至河間縣界北五十八里至保定府雄  
縣界東南四十里至河間縣界西南八十里至  
肅寧縣治東北七十里至順天府文安縣治西  
北七十里至保定府安州治東西廣八十五里  
南北袤九十三里

交河縣 在府東南一百一十里東五十里至天  
津府南皮縣界西三十里至深州武強縣界南  
八里至東光縣界北四十里至獻縣界東南六  
里至東光縣界西南四十五里至阜城縣治東  
北一百五里至天津府青縣界西北二十里至

獻縣界東西廣八十里南北袤四十八里

寧津縣 在府東南二百三十一里東五十里至  
山東武定州樂陵縣界西三十里至吳橋縣界  
南二十五里至山東濟南府德平縣界北四十  
里至天津府南皮縣界東南一百三十里至山  
東武定州治西南三十五里至山東濟南府德  
州界東北四十五里至天津府滄州界西北七  
十里至東光縣治東西廣八十里南北袤六十  
五里

景州 在府東南一百九十里東十八里至吳橋



縣界西七十里至冀州棗強縣界南三十五里  
 至山東濟南府德州界北三十里至阜城縣界  
 東南四十里至吳橋縣治西南八十里至故城  
 縣界東北四十里至東光縣界西北八十里至  
 冀州武邑縣界東西廣八十八里南北袤六十  
 五里

吳橋縣 在景州東五十里東二十五里至寧津  
 縣界西二十里至景州界南二十五里至山東  
 濟南府德州界北四十里至東光縣界東南三  
 十里至山東濟南府樂陵縣界西南二十五里至

山東濟南府德州界東北五十里至寧津縣治  
 西北四十里至景州治東西廣四十五里南北  
 袤六十五里

東光縣 在景州東北七十里東三十五里至天  
 津府南皮縣界西三十里至阜城縣界南二十  
 里至吳橋縣界北三十五里至天津府南皮縣  
 界東南六十里至寧津縣治西南六十里至景  
 州治東北四十五里至天津府南皮縣治西北  
 四十里至交河縣治東西廣六十五里南北袤  
 五十五里



故城縣 在景州南九十里東二十五里至山東  
濟南府德州界西五十里至冀州棗強縣界南  
二十五里至山東東昌府武城縣界北三十里  
至景州界東南十八里至山東東昌府恩縣界  
西南二十五里至山東東昌府武城縣界東北  
二十里至山東濟南府德州界西北三十里至  
景州界東西廣七十五里南北袤五十五里

天津府

在 京師東南二百五十里東一百里至海西  
二百八十里白河間府獻縣界南四百二十里至

山東武定州樂陵縣界北三十三里至順天府  
武清縣界東南四百二十里至山東武定州樂  
陵縣界西南三百三十里至河間府交河縣界  
東北五十里至順天府寶坻縣界西北五十里  
至順天府武清縣界東西廣一百八十里南北  
袤一百三十五里

天津縣 附郭東一百里至海西三十五里至靜  
海縣界南三十五里至靜海縣界北三十三里  
至順天府武清縣界東南一百一十里至海西  
南二十里至靜海縣界東北五十里至順天府



寶坻縣界西北五十里至順天府武清縣界東  
西廣九十里南北袤七十五里

青縣 在府西南一百六十里東四十里至靜海  
縣界西二十七里至順天府大城縣界南九十  
里至滄州界北五十里至靜海縣界東南三十  
里至滄州界西南七十里至河間府交河縣界  
東北四十五里至靜海縣界西北四十里至順  
天府大城縣界東西廣六十七里南北袤一百  
四十里

靜海縣 在府西南七十五里東一百六十里至  
海西四十里至順天府大城縣界南四十里至  
青縣界北六十里至順天府武清縣界東南七  
十五里至滄州界西南九十里至青縣治東北  
七十五里至順天府武清縣界西北一百二十  
里至順天府霸州治東西廣二百里南北袤一  
百里

滄州 在府東少南一百四十里東一百三十里  
至海西一百步至衛河青縣界南三十五里至  
南皮縣界北四十里至青縣界東南一百里至  
山東武定州樂陵縣界西南七十里至河間府



交河縣界東北一百八十里至府治西北七十里至青縣治東西廣一百三十里南北袤七十五里

南皮縣 在滄州西南七十里東五十里至滄州界西二十里至河間府交河縣界南五十里至河間府寧津縣界北三十五里至滄州界東南七十里至山東武定州樂陵縣界西南十五里至河間府東光縣界東北七十里至滄州治西北一百四十里至河間府治東西廣七十里南北袤八十五里

鹽山縣 在滄州東南九十里東六十里至山東武定州海豐縣界西二十里至滄州界南四十五里至山東武定州樂陵縣界北六十里至滄州界東南三十里至慶雲縣界西南一百二十里至河間府寧津縣治東北一百二十里至海西北二十里至滄州界東西廣八十里南北袤一百里

慶雲縣 在滄州東一百六十里東三十里至山東武定州海豐縣界西十五里至鹽山縣界南三十里至山東武定州陽信縣界北十五里至



鹽山縣界東南三十五里至山東武定州陽信  
 縣界西南二十里至山東武定州樂陵縣界東  
 北至山東武定州海豐縣界西北六十里至鹽  
 山縣治東西廣四十五里南北袤四十五里

正定府

在 京師西南六百一十里東二百七十五里  
 至河間府景州界西一百九十里至山西平定  
 州孟縣界南二百里至順德府唐山縣界北一  
 百七十里至保定府唐縣界東南三百四十里  
 至山東東昌府武城縣治西南二百五十里至

山西平定州樂平縣治東北二百里至保定府  
 祁州治西北四百五十里至山西代州五臺縣  
 治東西廣四百六十五里南北袤三百七十里

正定縣 附郭東十二里至晉州藁城縣界西三  
 十里至平山縣界南二十五里至獲鹿縣界北  
 四十五里至定州新樂縣界東南十二里至晉  
 州藁城縣界西南二十五里至獲鹿縣界東北  
 四十里至晉州藁城縣界西北三十里至靈壽  
 縣界東西廣四十二里南北袤七十里  
 井陘縣 在府西南一百三十里東六十里至獲



鹿縣界西三十五里至山西平定州界南六十里至贊皇縣界北七十里至平山縣界東南一百二十里至元氏縣治西南一百二十里至山西平定州樂平縣治東北八十里至平山縣治西北二百五十里至山西平定州孟縣治東西廣九十五里南北袤一百三十里

獲鹿縣 在府西南六十里東三十五里至正定縣界西十里至井陘縣界南五十里至元氏縣界北三十里至平山縣界東南七十里至欒城縣治西南七十里至井陘縣治東北六十里至

正定縣治西北六十里至平山縣治東西廣四十五里南北袤八十里

元氏縣 在府西南九十里東十八里至趙州界西六十里至井陘縣界南二十里至趙州高邑縣界北四十里至獲鹿縣界東南三十五里至趙州高邑縣治西南三十五里至贊皇縣治東北三十五里至欒城縣治西北九十里至獲鹿縣治東西廣七十八里南北袤六十里

靈壽縣 在府西北五十里東十五里至行唐縣界西十五里至平山縣界南十里至平山縣界



北七十里至阜平縣界東南十五里至正定縣  
界西南十五里至平山縣界東北十二里至行  
唐縣界西北一百九十里至山西代州五臺縣  
界東西廣三十里南北袤八十里

樂城縣 在府南六十里東十五里至晉州藁城  
縣界西二十里至元氏縣界南二十里至趙州  
界北二十二里至獲鹿縣界東南六十里至趙  
州寧晉縣治西南四十里至元氏縣治東北四  
十里至晉州藁城縣治西北二十里至獲鹿縣  
界東西廣三十五里南北袤四十二里

平山縣 在府西少北七十里東四十里至正定  
縣界西一百二十里至山西平定州盂縣界南  
七十里至井陘縣界北二十五里至靈壽縣界  
東南二十里至獲鹿縣界西南三里至井陘縣  
界東北八里至靈壽縣界西北一百八十里至  
山西代州五臺縣界東西廣一百六十里南北  
袤三十二里

阜平縣 在府西北二百一十里東六十里至定  
州曲陽縣界西九十三里至山西代州五臺縣  
界南六十里至靈壽縣界北七十里至山西大



同府靈邱縣界東南六十里至行唐縣界西南一百七十五里至山西平定州治東北二百二十里至保定府完縣治西北二百四十里至山西代州五臺縣治東西廣一百五十三里南北袤一百三十里

行唐縣 在府北七十里東二十里至定州新樂縣界西三十里至靈壽縣界南二十里至正定縣界北二十里至定州曲陽縣界東南七十里至正定縣治西南四十五里至靈壽縣治東北九十里至定州治西北八十里至阜平縣治東

西廣五十里南北袤四十里

贊皇縣 在府西南一百二十里東二十五里至趙州高邑縣界西八十里至山西平定州樂平縣界南三十里至趙州臨城縣界北二十里至元氏縣界東南三十五里至趙州臨城縣界西南一百里至山西平定州樂平縣界東北二十五里至元氏縣界東五里至元氏縣界西北五十里至井陘縣界東西廣一百五里南北袤五十里

晉州 在府東南九十里東三十五里至保定府束鹿縣界西三十六里至藁城縣界南四十五



里至趙州寧晉縣界北四十里至定州界東南  
一百二十里至冀州新河縣治西南四十里至  
藁城縣治東北四十里至定州深澤縣治西北  
三十五里至無極縣治東西廣五十里南北袤  
六十里

無極縣 在府東七十里東十六里至定州深澤  
縣界西三十里至藁城縣界南十里至藁城縣  
界北二十四里至定州界東南三十五里至晉  
州治西南三十五里至藁城縣治東北九十里  
至祁州治西北六十里至新樂縣治東西廣四

十六里南北袤三十四里

藁城縣 在府東南五十里東二十五里至晉州  
界西四十八里至正定縣界南三十五里至趙  
州界北至無極縣界東南四十里至冀州新河  
縣界西南三十里至欒城縣界東北三十里至  
無極縣界西北七十里至新樂縣界東西廣七  
十三里南北袤六十五里

新樂縣 在府東北九十里東三十里至保定府  
深澤縣界西二十五里至行唐縣界南二十五  
里至藁城縣界北十五里至定州界東南六十



里至無極縣治西南九十里至正定縣治東北五十里至定州治西北五十五里至定州曲陽縣治東西廣五十五里南北袤四十里

順德府

在京師西南一千里東一百二十里至廣平府威縣界西一百六十里至山西遼州和順縣界南六十里至廣平府永年縣界北九十里至趙州臨城縣界東南九十里至廣平府永年縣界西南一百二十里至河南彰德府武安縣界東北二百里至冀州新河縣界西北一百五十

里至正定府贊皇縣界東西廣二百八十里南北袤一百五十里

邢臺縣 附郭東二十二里至南和縣界西一百

六十里至山西遼州和順縣界南十七里至沙河縣界北二十五里至內邱縣界東南四十里至南和縣治西南一百八十里至山西遼州界東北四十里至任縣治西北一百六十里至山西平定州樂平縣界東西廣一百八十二里南北袤四十二里

沙河縣 在府南三十五里東二十里至南和縣



界西一百四十里至山西遼州和順縣界南二十五里至廣平府永年縣界北十八里至邢臺縣界東南七十里至廣平府永年縣治西南四十里至河南彰德府武安縣界東北七十里至南和縣界西北二百里至山西遼州治東西廣一百六十里南北袤四十三里

南和縣 在府東南四十里東三十五里至平鄉縣界西二十里至邢臺縣界南二十里至廣平府永年縣界北二十五里至任縣界東南四十二里至廣平府雞澤縣治西南四十里至沙河縣

治東北九十里至鉅鹿縣治西北九十里至內邱縣治東西廣五十五里南北袤四十五里

平鄉縣 在府東八十里東四十里至廣平府威縣界西十里至南和縣界南六里至廣平府雞澤縣界北四十里至鉅鹿縣界東南二十五里至廣平府威縣界西南二十里至南和縣界東北四十里至廣宗縣治西北五十里至任縣治東西廣五十里南北袤四十六里

鉅鹿縣 在府東北一百二十里東二十里至廣宗縣界西三十里至趙州隆平縣界南十八里



至平鄉縣界北五十里至冀州新河縣界東南三十五里至廣宗縣治西南七十里至任縣治東北六十里至冀州南宮縣治西北六十里至趙州隆平縣界東西廣五十里南北袤六十八里

廣宗縣 在府東一百二十里東二十里至廣平府威縣界西十五里至鉅鹿縣界南五十里至山東東昌府邱縣界北五十里至冀州南宮縣界東南二十五里至廣平府威縣界西南四十里至平鄉縣治東北九十里至廣平府清河縣

治西北三十五里至鉅鹿縣治東西廣三十五里南北袤一百里

唐山縣 在府東北八十五里東十里至趙州隆平縣界西二十五里至內邱縣界南二十五里至任縣界北十八里至趙州柏鄉縣界東南五十里至任縣治西南五十里至內邱縣治東北二十里至趙州隆平縣治西北三十五里至趙州臨城縣治東西廣三十五里南北袤四十三里

內邱縣 在府北六十里東二十五里至唐山縣



界西一百八十里至山西平定州樂平縣界南  
三十五里至邢臺縣界北三十里至趙州臨城  
縣界東南六十里至任縣治西南四十里至邢  
臺縣界東北六十里至趙州柏鄉縣治西北五  
十里至正定府贊皇縣界東西廣二百五里南  
北袤六十五里

任縣 在府東北三十五里東三十五里至平鄉  
縣界西十里至邢臺縣界南五里至南和縣界  
北四十五里至趙州隆平縣界東南五十里至  
平鄉縣治西南六十里至沙河縣治東北七十

里至鉅鹿縣治西北五十里至唐山縣治東西  
廣四十五里南北袤五十里

### 廣平府

在 京師西南九百五十里東一百里至山東  
東昌府臨清州界西六十五里至河南彰德府  
武安縣界南八十三里至河南彰德府臨漳縣  
界北五十里至順德府南和縣界東南一百二  
十里至大名府治西南三百里至河南彰德府  
林縣治東北一百四十里至順德府廣宗縣治  
西北九十里至順德府治東西廣一百六十五



里南北袤一百三十三里

永年縣 附郭東二十五里至曲周縣界西七十

里至河南彰德府武安縣界南二十二里至成

安縣界北五十里至順德府南和縣界東南四

十里至肥鄉縣治西南五十里至邯鄲縣治東

北七十里至雞澤縣治西北四十五里至順德

府邢臺縣界東西廣九十五里南北袤七十二

里

曲周縣 在府東北四十里東三十五里至山東

東昌府邱縣界西十五里至永年縣界南二十

五里至肥鄉縣界北二十五里至雞澤縣界東

南九十里至山東東昌府館陶縣治西南五十

里至肥鄉縣治東北七十里至威縣治西北三

十五里至雞澤縣治東西廣五十里南北袤五

十里

肥鄉縣 在府東南三十五里東二十里至廣平

縣界西二十里至邯鄲縣界南二十二里至成

安縣界北二十五里至永年縣界東南三十里

至廣平縣治西南三十五里至成安縣治東北

五十里至曲周縣治西北三十五里至永年縣



治東西廣四十里南北袤四十七里

雞澤縣 在府東北六十里東三十五里至威縣

界西三十里至永年縣界南三十五里至永年

縣界北六里至順德府平鄉縣界東南三十五

里至曲周縣治西南六十里至永年縣治東北

三十里至順德府廣宗縣界西北八里至順德

府南和縣界東西廣六十五里南北袤四十一

里

廣平縣 在府東南六十里東二十五里至大名

府元城縣界西十五里至成安縣界南十五里

至大名府魏縣界北十里至肥鄉縣界東南六

十里至大名府元城縣治西南三十里至成安

縣界東北七十里至山東東昌府館陶縣治西

北三十里至肥鄉縣治東西廣四十里南北袤

二十五里

邯鄲縣 在府西南五十里東三十里至肥鄉縣

界西三十五里至河南彰德府武安縣界南二

十五里至磁州界北二十五里至永年縣界東

南五十里至成安縣治西南二十里至磁州界

東北三十里至永年縣界西北三十五里至河



南彰德府武安縣界東西廣六十五里南北袤五十里

成安縣 在府南六十里東二十五里至廣平縣界西十五里至磁州界南二十二里至河南彰德府臨漳縣界北二十八里至永年縣界東南二十五里至大名府魏縣界西南二十五里至河南彰德府臨漳縣治東北三十里至肥鄉縣治西北五十里至邯鄲縣治東西廣四十里南北袤五十里

威縣 在府東北一百一十里東五十里至山東

東昌府臨清州界西二十里至順德府平鄉縣界南二十里至山東東昌府邱縣界北七十里至冀州南宮縣界東南六十里至山東東昌府館陶縣治西南六十里至雞澤縣治東北七十里至清河縣治西北二十五里至順德府廣宗縣治東西廣七十里南北袤九十里

清河縣 在府東北一百八十里東三十里至山東東昌府夏津縣界西二十里至順德府廣宗縣界南二十五里至山東東昌府臨清州界北五十里至冀州南宮縣界東南五十里至山東東



昌府臨清州治西南七十里至威縣治東北五十里至山東東昌府武城縣治西北九十里至冀州南宮縣治東西廣五十里南北袤三十里  
 磁州 在府西南一百二十里東五十五里至成安縣界西一百里至河南彰德府涉縣界南三十里至河南彰德府安陽縣界北五十里至邯鄲縣界東南四十里至河南彰德府臨漳縣界西南一百八十里至河南彰德府林縣治東北七十里至邯鄲縣治西北九十里至河南彰德府武安縣治東西廣一百五十五里南北袤八

十里

大名府

在 京師西南一千一百二十里東四十里至山東東昌府冠縣界西八十里至河南彰德府臨漳縣界南三百一十里至河南開封府蘭陽縣界北五十里至山東東昌府館陶縣界東南三百里至山東曹州定陶縣治西南九十里至河南彰德府內黃縣治東北一百五十里至山東東昌府臨清州治西北八十里至廣平府成安縣治東西廣一百二十里南北袤三百六十



里

元城縣 附郭東四十里至山東東昌府冠縣界  
 西十里至魏縣界南五里至大名縣界北五十  
 里至山東東昌府館陶縣界東南九十里至山  
 東東昌府朝城縣治西南九十里至河南彰德  
 府內黃縣治東北六十里至山東東昌府冠縣  
 治西北四十里至魏縣治東西廣五十里南北  
 袤五十五里

大名縣 在府南少東八里東三十里至元城縣  
 界西十五里至魏縣界南二十里至南樂縣界

北五里至元城縣界東南十二里至南樂縣界  
 西南六十里至河南彰德府內黃縣界東北七  
 十里至山東東昌府冠縣界西北二十里至魏  
 縣界東西廣四十五里南北袤二十五里

魏縣 在府西少北四十里東十里至元城縣界  
 西二十里至廣平府成安縣界南五十里至河  
 南彰德府內黃縣界北十里至廣平府廣平縣  
 界東南五十里至大名縣治西南四十里至河  
 南彰德府臨漳縣界東北九十里至山東東昌  
 府邱縣治西北四十里至廣平府成安縣治東



西廣五十里南北袤六十里

南樂縣 在府東南五十里東四十里至山東東

昌府朝城縣界西三十五里至大名縣界南十

五里至清豐縣界北二十里至大名縣界東南

五十里至山東東昌府觀城縣治西南六十里

至河南彰德府內黃縣治東北一百里至山東

東昌府冠縣治西北五十里至元城縣治東西

廣七十五里南北袤三十二里

清豐縣 在府東南九十里東三十七里至山東

東昌府觀城縣界西二十五里至河南彰德府

內黃縣界南十五里至開州界北二十五里至

南樂縣界東南六十里至山東濮州治西南四

十里至開州治東北四十里至南樂縣治西北

九十里至魏縣治東西廣六十二里南北袤四

十里

東明縣 在府東南二百二十里東三十里至山

東曹州界西三十里至長垣縣界南六十里至

河南開封府儀封縣界北二十五里至開州界

東南一百里至山東曹州定陶縣治西南七十

里至長垣縣治東北一百五十里至山東濮州



治西北九十里至開州治東西廣六十里南北  
袤八十五里

開州 在府南一百二十里東五十五里至山東  
東昌府濮州界西七十里至河南衛輝府滑縣  
界南六十五里至東明縣界北三十五里至清  
豐縣界東南九十里至東明縣治西南九十里  
至河南衛輝府濬縣治東北四十五里至清豐  
縣治西北十五里至河南彰德府內黃縣界東  
西廣一百二十五里南北袤一百里

長垣縣 在開州南一百三十里東四十里至東

明縣界西三十里至河南衛輝府滑縣界南四  
十里至河南開封府蘭陽縣界北二十五里至  
河南衛輝府滑縣界東南一百里至河南開封  
府儀封縣治西南三十里至河南開封府封邱  
縣界東北七十里至東明縣治西北九十里至  
河南衛輝府滑縣治東西廣七十里南北袤六  
十五里

宣化府

在 京師西北三百四十里東二百一十五里  
至邊界西一百四十五里至山西大同府邊界



南二百一十里至保定府涑水縣界北六十五里至張家口邊界東南二百五十里至順天府昌平州界西南一百五十里至山西大同府天鎮縣界東北三百一十里至獨石口邊界西北一百六十里至邊界東西廣三百六十里南北袤二百一十五里

宣化縣 附郭東五十五里至龍門縣界西四十二里至懷安縣界南一百三十五里至蔚縣界北三十五里至龍門縣界東南六十里至保安州治西南一百二十里至懷安縣治東北一百一

十里至龍門縣治西北八十里至萬全縣治東西廣九十五里南北袤一百七十里

赤城縣 在府東北一百七十里東四十五里至邊界西三十里至龍門縣界南二十里至龍門縣界北一百里至邊界東南九十里至延慶州界西南十里至龍門縣界東北五十七里至邊界西北五十五里至邊界東西廣七十五里南北袤一百二十里

萬全縣 在府西北八十里東三十里至宣化縣界西八十五里至山西大同府邊界南三十里



至懷安縣界北三十里至邊界東南八十里至  
宣化縣治西南八十里至懷安縣東北二十五  
里至邊界西北五十里至邊界東西廣一百十  
五里南北袤六十里

龍門縣 在府東少北一百一十里東七十里至  
赤城縣界西一百二十里至萬全縣界南七十  
里至保安州界北三十里至邊界東南一百七  
十里至懷來縣治西南七十里至宣化縣界東  
北五十里至赤城縣界西北二十五里至邊界  
東西廣一百九十里南北袤一百里

懷來縣 在府東南一百五十里東二十里至延  
慶州界西五十里至保安州界南五十里至順  
天府昌平州界北二十里至龍門縣界東南一  
百五十里至順天府昌平州治西南七十里至  
保安州界東北四十里至延慶州界西北八十  
里至宣化縣界東西廣七十里南北袤七十里  
蔚州 在府西南二百三十里東與蔚縣接界西  
三十里至山西大同府廣靈縣界南五十里至  
易州廣昌縣界北六十里至西寧縣界東南一  
百三十里至易州廣昌縣治西南一百三十里



至山西大同府靈邱縣治東北一百八十里至  
保安州治西北九十里至西寧縣治東西廣二  
十里南北袤一百一十里

蔚縣 在府西南二百三十里東九十里至保安  
州界西與蔚州接界南五十里至易州廣昌縣  
界北六十里至西寧縣界東南一百三十里至  
易州廣昌縣治西南一百三十里至山西大同  
府靈邱縣治東北一百八十里至保安州治西  
北九十里至西寧縣治東西廣九十里南北袤  
一百一十里

西寧縣 在府西南二百里東八十五里至宣化

縣界西十五里至山西大同府天鎮縣界南四

十里至山西大同府廣靈縣界北二十五里至

山西大同府天鎮縣界東南九十里至蔚州治

西南五十里至山西大同府廣靈縣界東北九

十里至懷安縣治西北六十里至山西大同府

天鎮縣治東西廣一百里南北袤六十五里

懷安縣 在府西少南一百二十里東八十里至

宣化縣界西二十里至山西大同府天鎮縣界

南三十里至西寧縣界北三十里至萬全縣界



東北七十里至宣化縣界西南九十里至西寧  
 縣治東北八十里至萬全縣治西北八十里至  
 萬全縣界東西廣一百一十里南北袤六十里  
 延慶州 在府東南二百里東一百二十里至順  
 天府昌平州界西四十里至懷來縣界南五十  
 里至順天府昌平州界北三十里至赤城縣界  
 東南五十里至順天府昌平州界西南三十里  
 至懷來縣界東北一百里至邊界西北二百里  
 至宣化縣治東西廣一百六十里南北袤八十  
 里

保安州 在府南少東六十里東六十里至懷來  
 縣界西三十里至宣化縣界南一百五十里至  
 保定府涿水縣界北十里至宣化縣界東南一  
 百六十里至順天府宛平縣界西南一百八十  
 里至蔚州治東北五十里至龍門縣界西北六  
 十里至宣化縣治東西廣九十里南北袤一百  
 六十里

易州

在 京師西南二百二十里東七十里至順天  
 府涿州界西二百十里至山西靈邱縣界南五



十里至保定府安肅縣界北一百三十里至順天府房山縣界東南三十五里至保定府定興縣界西南九十里至保定府滿城縣界東北七十里至順天府房山縣界西北三百里至宣化府蔚州治東西廣二百八十里南北袤一百八十里

本州境 東二十里至涑水縣界西一百二十里至廣昌縣界南五十里至保定府安肅縣界北六十里至涑水縣界東南三十五里至保定府定興縣界西南九十里至保定府滿城縣界東

北二十里至涑水縣界西北一百里至宣化府蔚州界東西廣一百四十里南北袤一百五十五里

涑水縣 在州東北四十里東十八里至順天府涿州界西二十里至本州界南十八里至保定府定興縣界北二十五里至順天府房山縣界東南二十里至保定府新城縣界西南四十里至本州治東北二十里至順天府房山縣界西北一百里至宣化府蔚州界東西廣三十五里南北袤五十三里



廣昌縣 在州西一百九十里東五十七里至本  
 州界西四十五里至山西大同府靈邱縣界南  
 七十五里至保定府唐縣界北六十五里至宣  
 化府蔚州界東南七十五里至保定府唐縣界  
 西南九十里至唐縣界東北一百里至宣化府  
 蔚州界西北五十八里至山西大同府廣靈縣  
 界東西廣一百五里南北袤一百十五里

冀州

在 京師南六百三十三里東四十五里至河  
 間府故城縣界西六十五里至趙州寧晉縣界

南七十里至廣平府威縣界北八十里至深州  
 安平縣界東南一百四十里至廣平府清河縣  
 治西南八十里至順德府鉅鹿縣治東北一百  
 八里至河間府阜城縣治西北七十五里至保  
 定府束鹿縣治東西廣一百一十里南北袤一  
 百五十里

本州境 東十五里至棗強縣界西四十五里至  
 新河縣界南五十里至南宮縣界北二十里至  
 衡水縣界東南一百四十里至廣平府清河縣  
 治西南六十里至新河縣治東北四十里至衡



水縣治西北七十五里至保定府束鹿縣治東  
西廣六十里南北袤七十里

南宮縣 在州南少西六十里東八十里至山東

東昌府武城縣界西五十五里至趙州寧晉縣

界南二十里至廣平府威縣界北十五里至本

州界東南八十五里至廣平府清河縣界西南

四十里至順德府鉅鹿縣界東北二十五里至

棗強縣界西北二十五里至新河縣界東西廣

一百三十五里南北袤三十里

新河縣 在州西少南六十里東十五里至本州

界西二十里至趙州寧晉縣界南三十里至順

德府鉅鹿縣界北三十里至保定府束鹿縣界

東南四十五里至南宮縣治西南八十里至順

德府鉅鹿縣治東北一百里至衡水縣治西北

一百二十里至晉州治東西廣三十五里南北

袤六十里

棗強縣 在州東少北二十五里東三十里至河

間府故城縣界西十里至本州界南六十里至

南宮縣界北二十五里至衡水縣界東南三十

里至山東東昌府武城縣界西南三十里至本



州界東北五十里至河間府景州界西北二十  
五里至衡水縣界東西廣四十里南北袤八十  
五里

武邑縣 在州東北九十里東二十五里至河間  
府景州界西一十七里至衡水縣界南三十五  
里至棗強縣界北三十二里至深州武強縣界  
東南八十里至河間府景州治西南七十里至  
棗強縣治東北五十里至河間府阜城縣治西  
北六十里至深州治東西廣四十二里南北袤  
六十七里

衡水縣 在州西南四十里東十八里至武邑縣  
界西四十里至深州界南二十五里至棗強縣  
界北二十里至深州界東南二十五里至棗強  
縣界西南三十五里至本州界東北十八里至  
武邑縣界西北十八里至深州界東西廣五十  
八里南北袤四十五里

趙州

在 京師西南七百四十里東八十里至冀州  
新河縣界西二十五里至正定府元氏縣界南  
八十二里至順德府唐山縣界北二十里至正



定府樂城縣界東南一百八十五里至順德府  
鉅鹿縣治西南二百一十五里至順德府邢臺  
縣界東北三十五里至正定府藁城縣界西北  
二十五里至正定府元氏縣界東西廣一百五  
里南北袤一百二里

本州境 東十五里至寧晉縣界西二十二里至  
正定府元氏縣界南三十里至柏鄉縣界北二  
十里至正定府樂城縣界東南二十里至寧晉  
縣界西南二十五里至高邑縣界東北三十五  
里至正定府藁城縣界西北二十五里至正定

府元氏縣界東西廣四十里南北袤五十里

柏鄉縣 在州南六十里東十五里至隆平縣界

西十三里至高邑縣界南二十五里至順德府

唐山縣界北三十里至本州界東南三十五里

至隆平縣治西南三十五里至臨城縣治東北

五十里至寧晉縣治西北二十五里至高邑縣

治東西廣二十八里南北袤五十二里

隆平縣 在州東南九十里東三十里至順德府

鉅鹿縣界西二十里至柏鄉縣界南十五里至

順德府任縣界北四十里至寧晉縣界東南六



十里至順德府鉅鹿縣治西南二十里至順德府唐山縣治東北九十里至冀州新河縣治西北三十五里至柏鄉縣治東西廣五十里南北袤五十五里

高邑縣 在州西南五十里東十二里至柏鄉縣界西二十里至正定府贊皇縣界南十五里至臨城縣界北十五里至正定府元氏縣界東南六十里至順德府唐山縣治西南五十里至臨城縣界東北五十里至本州治西北三十五里至正定府元氏縣治東西廣三十二里南北袤

三十里

臨城縣 在州西九十里東二十里至隆平縣界西一百二十里至山西平定州樂平縣界南十五里至順德府內邱縣界北三十里至高邑縣界東南十五里至順德府唐山縣界西南六十里至順德府邢臺縣界東北二十五里至柏鄉縣界西北四十五里至正定府贊皇縣治東西廣一百四十里南北袤四十五里

寧晉縣 在州東少南四十里東五十里至冀州新河縣界西二十里至本州界南三十里至隆



平縣界北二十五里至本州界東南四十五里  
 至冀州新河縣界西南五十里至柏鄉縣治東  
 北六十里至正定府晉州界西北二十里至本  
 州界東西廣七十五里南北袤六十里

深州

在 京師西南六百一十二里東六十八里至  
 河間府交河縣界西五十五里至保定府束鹿  
 縣界南五十里至冀州衡水縣界北六十五里  
 至保定府蠡縣界東南六十里至冀州武邑縣  
 治西南六十五里至保定府束鹿縣治東北一

百六十里至河間府河間縣治西北七十里至  
 定州深澤縣治東西廣一百二十三里南北袤  
 一百一十五里

本州境 東三十八里至武強縣界西五十里至  
 保定府束鹿縣界南五十里至冀州衡水縣界  
 北四十里至安平縣界東南六十里至冀州武  
 邑縣治西南六十五里至保定府束鹿縣治東  
 北七十里至饒陽縣治西北七十里至保定府  
 深澤縣治東西廣九十三里南北袤九十里  
 武強縣 在州東五十里東三十里至河間府交



河縣界西十二里至本州界南八里至冀州武  
 邑縣界北四十里至饒陽縣界東南十二里至  
 冀州武邑縣界西南十八里至冀州衡水縣界  
 東北三十五里至河間府獻縣界西北十五里  
 至本州東西廣九十三里南北袤九十里

饒陽縣 在州北六十里東三十里至河間府獻

縣界西二十里至安平縣界南三十里至本州  
 界北二十里至河間府肅寧縣界東南六十里  
 至武強縣治西南六十里至保定府束鹿縣治  
 東北九十里至河間府河間縣治西北七十里

至保定府蠡縣治東西廣五十里南北袤五十  
 里

安平縣 在州西北五十里東二十里至饒陽縣

界西三十里至保定府深澤縣界南十里至本  
 州界北四十八里至保定府蠡縣界東南九十  
 里至武強縣治西南六十里至保定府束鹿縣  
 治東北八十里至河間府肅寧縣治西北六十  
 里至保定府博野縣治東西廣五十里南北袤  
 五十八里

定州



在 京師西南五百里東四十里至保定府祁  
州界西九十里至正定府阜平縣界南六十里  
至正定府藁城縣界北三十里至保定府慶都  
縣界東南一百二十里至保定府束鹿縣界西  
南一百四十里至正定府正定縣治東北六十  
里至保定府慶都縣治西北六十里至保定府  
唐縣治東西廣一百三十里南北袤九十里  
本州境 東西四十里至保定府祁州界西三十里  
至曲陽縣界南三十五里至正定府新樂縣界  
北三十里至保定府慶都縣界東南九十里至

深澤縣治西南五十里至正定府新樂縣治東  
北六十里至保定府慶都縣治西北六十里至  
保定府唐縣治東南廣七十里南北袤六十五  
里

深澤縣 在州東南九十里東三十里至深州安  
平縣界南二十二里至正定府晉州界西二十  
五里至正定府無極縣界北二十四里至保定  
府祁州界東南三十里至保定府束鹿縣界西  
南二十里至正定府晉州界東北十五里至保  
定府祁州界西北九十里至本州治東西廣五



十四里南北袤四十七里

曲陽縣 在州西北六十里東三十里至本州界

西六十里至正定府阜平縣界南三十里至正

定府行唐縣界北五十里至保定府唐縣界東

南一百二十里至正定府無極縣治西南二十

五里至正定府行唐縣界東北六十里至保定

府唐縣治西北一百二十里至正定府阜平縣

治東西廣九十里南北袤八十里

承德州

在府東北四百二十里東至八溝西至濠村溝

南至柳河邊墻北至湯泉溝東南至冷口西南

至卯正東北至車輪窖西北至老十溝

畿輔通志卷之十六

疆域







